

Simalungun - Agape Tarsurat - God's Love Letter Scriptures

Johannes 15:9 Songon pangkaholongi ni Bapa Bangku, sonai do holong ni uhurhu bannima. Totap ma hanima ibagas holong ni uhurhu.

Jesaya 43:1 Tapi sonari, sonon do hata ni Jahowa, "Sitompa ho, ale Jakob, anjaha na manjadihon ho, ale Israel, 'Ulang ho mabiar, ai Ahu do sipaluah ho, domma Hudilo goranmu, Ahu do simada ho.

Jeremia 1:5 "Paima Hutompa ho ibagas partapaan, domma Hutanda ho, anjaha paima itubuhkon inangmu ho, domma Hupapansing ho, anjaha Hupabangkit ho gabe nabi bani bangsa-bangsa."

Johannes 15:16 Sedo hanima mamilih Ahu, tapi Ahu do mamilih hanima, anjaha hupabangkit do hanima, ase laho hanima marbuah, anjaha ase totap buahnima ai, ase ibere bannima sagala sipindoonnima humbani Bapa in marhitei Goranku.

3 Johannes 1:2 Ham na hinaholongan, iparsinta uhurhu do, ase horas anjaha jorgit ham ibagas haganup, domu hubani hajorgiton ni tonduymu.

Jesaya 43:4 Halani harga do Huidah anjaha na pinasangap, anjaha holong do uhur-Hu bam, Hubere do jolma panggantihmu, ampa bangsa-bangsa gantih ni hosahmu.

Jeremia 31:3 Taridah do Jahowa bani humbani na daoh. Nini, "Halong do uhur-Hu bam marhitei holong sisadokah ni dokahni; halani ai Hutogutogu do ho marhitei idop ni uhur.

Hosea 11:8 Sonaha ma panadingkon-Ku bam, ale Efraim? Sonaha ma parpaturut-Ku bam, ale Israel? Ija ma ra Ahu mambahen bam songon na bani Adma? Ija ma ra Ahu mambahen bam songon na bani Seboim? Marulak-ulakan do uhur-Hu ibagas, nahit do holong ni atei-Hu.

Johannes 3:16 Ai sonon do holong ni uhur ni Naibata bani dunia on, pala do Anakni na sasada in iberehon, ase ulang magou ganup na porsaya Bani, tapi ase hagoluhan na sadokah ni dokahni bani.

Jesaya 49:15,16 Mintor tarhalupahon puang-puang ma anakni na inuman, mintor lang ma holong uhurni bani anak tinubuhkoni? Porini pe tarhalupahonsi sidea, anggo Ahu seng tarhalupahon Ahu ho. 16 Tonggor ma, domma Huuhirhon ho bani tapak tangan-Ku; tembokmu tongtong do i lobei-Hu.

Jesaya 41:13 Ai Ahu, Jahowa Naibatamu do, na manjolom tanganmu siamun; Ahu do na mangkatahon bam, 'Ulang mabiar, Ahu do na mangurupi ho!'

Mateus 28:20 Ajari hanima ma sidea mangkorjahon sagala na dob

hutitahkon bennima. Tonggor ma, sai na hasomananKu do hanima ganup ari, ronsi roh ujung ni dunia on.

Johannes 14:1 Ulang ma tonjan uhurnima! Porsaya ma hanima bani Naibata, anjaha porsaya ma homa Bangku!

Jesaya 41:14 Ulang ho mabiar, ale goya Jakob, ale Israel hulanan na etek- etek! Ahu do na mangurupi ho, nini Jahowa; Na Pansing ni Israel do Sipaluah bam.

Jesaya 43:2 Anggo ibontas ho bah, Ahu do hasomanmu, bani na mandipari bah banggal seng ayubkonon-Ni ho. Anggo mardalan ho hubagas apuy, seng anjai mosog ho, anjaha seng matutung ho bahanon ni gara ni apuy.

Psalmen 23:1-6 Psalm ni si Daud. Jahowa do siparmahan ahu, seng anjai hurangan ahu. 2 Ipatudu do ahu bani sampalan na mombur, anjaha itogu- togu do ahu hu bah parsaranan. 3 Ipahisar do tonduyhu, itogu do ahu bani dalan hapintoron halani goran-Ni in. 4 Age pe mardalan ahu bani lombang bagas ni hagolapan, seng mabiar ahu, ai Ham do mangkasomani ahu; tungkot-Mu pakon simambu-Mu do na mangapohi ahu. 5 Ham do na mangidangi ahu i lobei ni munsuhku, iminaki Ham do ulungku anjaha sirnib do panginumanku. 6 Dear layak ampa idop ni uhur do mangirik-irik ahu sadokah goluhku; janah sihol do marianan ahu i rumah ni Jahowa sadokah ni dokahni.

Johannes 14:27 Damei do hutadingkon bannima, damei na adong Bangku do hubere bannima. Seng songon pambere ni dunia on pamberengku bannima. Ulang ma tonjan anjaha ulang ma mabiar uhurnima.

Pilippi 4:7 Anjaha damei ni Naibata, na mangatasi haganup paruhuron, in ma manramothon uhur ampa pingkirannasiam ibagas Kristus Jesus!

Podah 3:24 Bani na hundul ho seng anjai songgotan, anggo ipatibal ho dirimu, sonang do parpodommu.

Psalmen 4:9 Ibags damei hupatibal diringku lanjar sinok, ai Ham do hansa Jahowa na mambahen sonang ahu marianan.

Psalmen 33:18 Tonggor ma, dompak na mangkabiari-Si do mata ni Jahowa, dompak halak na marpangarapan bani idop ni uhur-Ni,

Rom 5:2 Marhiteihonsi do boi masuk hita hubani idop ni uhur haporsayaon, ai ma hajongjanganta nuan, anjaha megah do hita halani pangarapan bani hasangapon ni Naibata.

Jesaya 55:12 Ai ibags malas ni uhur do hanima luar anjaha ibags hadameion itogu-togu. Dolog-dolog ampa buntu-buntu marolob-olob i lobeinima, anjaha sagala hayu na i talun martopap-topap.

Johannes 16:22 Bannima pe nuan pusok ni uhur do, tapi idahonku do hanima use, gabe marmalas ni uhur ma hanima, anjaha ise pe lang boi mambuat malas ni uhur ai humbannima.

Lukas 12:9 Tapi na marnalangkon Ahu ilobei ni jolma, parnalangon do ai ilobei ni malekat ni Naibata.

Mateus 10:30 Anggo bennima, gari haganup jambulan na bani ulunima in, domma ibilang.

Jesaya 54:10 Ai mosor pe sagala dolog anjaha dugur sagala buntu-buntu, tapi idop ni uhur-Hu seng anjai mosor humbam, anjaha padan pardameian na hun Bangku seng anjai morot, nini Jahowa, na maridop ni uhur bam.

Mateus 11:28-30 Roh ma nasiam hu-Bangku, nasiam na loja anjaha na boratan, ase hupasonang nasiam. 29 Jalo nasiam ma pasanganku anjaha marguru ma nasiam hum-Bangku, ai na lamlam do Ahu anjaha na toruh maruhur, ase dapatan hasongan tonduynasiam. 30 Ai lamlam do pasanganKu, anjaha hampung do na hupaporsankon.

Doding ni Doding 2:10 Marsahap ma haholonganku, nini hu bangku, “Jongjong ma ham, ale hinasiholanku eta ma, ale botou na majenges!

Hosea 2:14,19,20 Ijai berehonon-Ku ma bani pohon anggurni, anjaha bahenon-Ku do habungan Ahor gabe horbangan pangarapan. Anjaha ijai tangihononni ma Ahu, songon bani panorang haposoonni, songon sanggah na tangkog ai ia hun Masir.” 19 Riridon-Ku do ho Bangku ibagas habujuron, gabe tandaonmu ma Jahowa. 20 Bani panorang ai,” nini Jahowa, “tangihonon-Ku ma langit, tangihonon ni langit ma tanoh on,

2 Musa 3:14 Nini Naibata ma dompak si Musa, “Ahu Adong na Ahu Adong.” Nini ope, “Sonon do hatahononmu hubani halak Israel, ‘Ahu Adong do na marsuruh ahu hubani nasiam.’”

Hosea 13:4 Ahu do Jahowa Naibatamu hun tanoh Masir nari; seng dong Naibata sobali Ahu itanda ho, anjaha sobali Ahu seng dong Sipaluah.

Johannes 15:14 Huanku ma hanima, anggo ihorjahon hanima na hutitahkon in bannima.

Pangungkabon 3:20 Tonggor ma, na jongjong do Ahu ilobei ni labah in manghartuki. Atap ise na mamboge sorangku anjaha iungkab labah ai, masuk ma Ahu hubani, mangan ma Ahu rap pakonsi anjaha ia rap pakon Ahu.